



Jens B. Frederiksen

Pinngitsaaliisarnermut ukioq iliuseqarfiususaaq pillugu § 37 naapertorlugu apeqquummut nr. 90-imut 5. juni 2013-imeersumut akissuteqaat

Asasara Jens B. Frederiksen,

Pinngitsaaliisarnermut 2014-imi immikkut iliuseqarnissamut ukioqartitsinissaaq pillugu apeqquutinnut qujanaq.

Naalakkersuisut sakkortunerpaamik nakuusernerit qanorluunniit ittut, taakkununga ilanngullugu pinngitsaaliisarnertit akuersaarsinnaangilaat.

Pinngitsaaliineq ajortuliorneruvoq ilungersunartoq inuullu allap kiffaanngissusianik assorsuaq innarliinerulluni.

2013-imi Inatsisartut ukiakkut ataatsimiinneranni nakuusernarneq pillugu periusissiamik aamma iliussissatut pilersaarummik saqqummiussinissartik Naalakkersuisut naatsorsuutigaat. Periusissiami ilaatinneqassapput sulissutigisassatut anguniakkat sisamat:

- Nakuusernermik eqqugaasut pitsaanerusumik ikorfartorneqarlutillu siunnersorneqartassapput.
- Nakuusernarnerup kaajalukaartua kipitinneqassaaq ilaatigut nakuusertartunut katsorsarneqarnissamik neqeroorutitik pilersitsinikkut.
- Susassaqarfiit akimorlugit nakuusernarnermut tunngatillugu suliat suleqatigiissutigineqarnerat ineriartortinneqassaaq.
- Nakuusernarneq pillugu ilisimasat paasisutissiisarnertu nukittorsarneqassapput.

Iliussissatut pilersaarummut ilaapput tigussaasumik iliussissat 32-t periusissiami anguniakkat angunissaannut tapersiisut, taakkununga ilanngullugit kinguaassiuutitigut nakuusernarnerup akiorniarnertit iliussissat.

Nakuusernarnerup aamma kinguaassiuutitigut innarliinerup akornanni qanimut ataqatigiittoqarpoq. Assersuutigalugu Danmarkimi Janus Centerimit misissuinerup takutissimavaa, inuit meeqqanik kinguaassiuutitigut innarliisartut, meeraanerminni nakuuserfigineqarnerusarsimasuusut kinguaassiuutitigut innarlerneqartarnemngarnit. Taamaattumik nakuusernarnermut iliuseqarneq aamma kinguaassiuutitigut innarliinnermut akerliuniarluni iliuseqarneruvoq, soorluttaaq periusissiami nakuusernarnermik oqariartaatsimi pinngitsaaliisarneq aamma ilaatinneqartartoq.

Naalakkersuisut periarfissaqanngillat pinngitsaaliisarneq pillugu 2014-imi immikkut ittumik iliussissatut ukioqartitsissallutik, soorlu Demokratit aalajangiiffisassatut siunnersuutaanni aamma siusinnerusukkut Ilaqutariinnermut Ataatsimiititaliaasimasup

10-06-2013
Sags nr. 2013-085024
Dok. nr. 1239764

Postboks 260
3900 Nuuk
Oqarasuaat (+299) 34 50 00
Allakkasuaat (+299) 34 66
66
E-mail: ikinn@nanoq.gl
www.nanoq.gl

isumaliutissiissutaani anguniarneqartut, tassami 2013-imut Aningaasanut Inatsimmi aningaanic immikkoortitsisoqarsimangimmat.

Naalackersuisulli siunnersuutikkut anguniarneqartumut isumaqataalluinnarput malunnaatilimillu annertussuseqartumik kinguaassiuutitigut nakuusertarnermut ilaatinniarlugu iliuuseqarfigisassanut paasisitsiniaalluni paasissutissiiniarlunilu suliniutinut, nakuusertarnermut periusissiamut atatillugu aallartinneqartussani.

Inussiarnersumik inuulluaqqusillunga
Med venlig hilsen



Martha Lund Olsen